B. N. C FIRENZE 1069 13











LETTRE #1 PRESENTEE

A LA ROYNE Regente.

PAR LE SIEVR PHILOTEE
ELIAN DE MONT ALTO,
Espagnol.



A PARIS,
Chez IEAN BRUNET, ruësainet
lacques, à la Hotte.
M. D. C. XIIII.
Lucc Prinilege de sa Majeste.





ALAROYNE

REGENTE.



ADAME,

Ce Souuerain Monarque, en la main duquel font tous les Empires & Royaumes du monde, bien que par vne

prouidence incomprehensible il gouuerne les choses humaines, assiste neantmoins incessamment d'vne singuliere saueur ceux qu'il a establis au supreme degré pour regir ses peuples. Ce Souuerain, dis-je, Roy des Roys, quand par un iuste iugementila resolu de diuertir, ou reparer la cheute d'vne Republique, ou l'esseuer en quelque plus heureux estat, il anime les Princes d'vn esprit plus excellent, qu'il leur donne & dispense selon les occassons. S'il m'estott loisible d'auan-

cer mon opinion sur les disputes des Philosophes & Theologiens, deladignite de l'ame, qu'alieurs ie prouueray par fortes raisons: Iediray, que desames humaines les vnes sont plus relenees que les autres, mesme de leur naturelle origine, le premier modele en estantinfiny, sans considerer la perfection qu'elles acquierent de la bonne composition & disposition des organes du corps. De ce secours le grand Dieu a preparé vne heureuse tranquillitéau puissant Empire des François, agité & esbranle par les bourasques des guerres estrangeres & ciuiles, produitant premierement ce grandHeros, terreur de ses ennemis, tres-doux & tres equitable Gouverneur de ses peuples, HENRY quatriesme, de trois & quatre fois heureuse memoire. Mais tout ainsi que le premier pere du genre humain ayant elté cree bien qu'admirable en lagelle, en force, & autres graces naturelles, quoy que seul Seigneur de la terre, habitant en Palais de delices, vn Paradis terrestre, Dieu le Creareur dist neantmoins il n'est pas bon que l'hamme soit seul, faisons luy yn

ayde qui luv ressemble, comme si pour accomplissement de son bon heur il eust manqué d'vne femme semblable à luy:ainsià ce magnanime Roy il destina vne magnanime Espouse, La Screnissime MARIE, afin que par vne telle aliance la gloire de la France s'esleuast au sommet des plus grandes choses, il a prepare à un esprit diuin une tres-partaicte demeure, qui n'est point bastie d'vn metail commun, maistiré des minieres du Serenissime grand Duc François, duquel l'heureuse memoire est ce. lebree, non en sa Toscane seulement, mais par toute la terre. Il a fait aller au deuant de certe Princesse sortant au jour, le Lyon en son Horoscope, le Soleil au comble du Ciel receu de Venus en sa propre maison, regarde d'yn sextil aspect par Iupiter estant en son exal-. tation, notable rencontre de planete en la maison Royale, & en tout le reste vne fauorable figure & disposition du Ciel. Lors que son Scremstime Pere deceda, Dien substitua en son throsne le Serenissime Ferdinand son Oncle, renommé par sa prudence & vertus hos

roïques, afin qu'il aduançast par des enseignemens salutaires la naturelle viuacite de cette grande Princesse, & la dreslast par vne sage conduite. Voyla comme cette parfacte & accomplie en grandeur d'esprit, grace hereditaire de la mailon, en structure & temperament des organes du corps, par la difposition du Ciel, par l'institution de sa vie, a esté dedice à ce grand HENRY. Tant grand estoit l'ouurage de donner vn honorable repos à cette braue natio Françoise. Il me semble voir en terre l'image du Ciel: Vous estes icy descendue, Roynetres Illustre, comme vne Lune plaine d'vne gracieuse lumiere de vertus, afin d'estre compagne du Soleil, pour continuëment departir ensemble, comme les deux premiers luminaires du monde, vne influance viuifiante à vos subjects. Les anciens ont feint Mercure pour truchement&messager des Dieux, d'autant que la Planete deson nom estant situee en la seconde hauteur-s'abreuuant promptement de la force & vertu des autres, la transmet en la terre! Le Royaume flotoit encor

dans les seditions & furieux orages de la guerre, quad vous auez comme vn Mercure annoncé où plustost aporté la paix. Car aussi tost que vostre faceà rayonné sur ce peuple, à l'instant (chose admirable) les nuages ce sont conuer. tis vn temps calme & serain, & la tempeste de la guerre en bonnace. La belle & feconde Venus plus haute que Mercure, suit tantost le Soleil couchant, & en ce temps reluift dessus la terre, lors que le Soleil se plonge dessous l'horison, d'où elle est appelle estoille du soir tantost elle deuance le Soleil leuant, resplandissant au point de laurore d'où dle est nommee estoille du jour. C'est ainsi que par vne genereuse lignee vous auez rendu floriflant le Roy & leRoyume, en l'eternelle succession de ce tige glorieux, la felicité asseurce de ceste Monarchie, & l'heureuse liaison des Princes estrangers. Vous auez comme l'estoille du sair, lors que vostre cher Espoux s'est couché sous la terre, esclairé au deffus, & semblable à l'Aurore vous marchez au deuant des rayons lumineux de vostre fils bien ay-

me duquel nous esperons qu'heritier des vertus paternelles & maternelles, ayant heureusement receu de vostre main lesceptre Royal, il paroistra le miracle du monde, puis qu'en ce basaage il eslance desia de si clairs estincelles dela vinacité de son esprit, & de jour en iour faict esclater la splendeur de son genereux courage. Voyla comme entre deux Soleils vous representez l'estoille du soir & du jour. Mais vostre grandeur ne s'est pas arrestee là, ains montant plus haut auez figuré en terre le naif portraict du Soleil, lequel est tant situé au milieu des Planetes espand ses rayons de tous costez, chasse les ombres, escarte les affreuses tenebres de la nuich, dissipe les nuees & l'espesseur des brouillards, bref, viuifie toutes choses, & les esgaye de son regard lumineux. Ainsi defaillant nostre inuincible Roy, l'image d'vne triste nuict s'aprochoit, presage redoutable, là les ombres effroyables destroubles, là vn amas obscur de miseres & d'angoisses, la terreur & l'espouuante de toutes parts, mais

9

mais la presence de vostre Majesté enuironee en forme d'yn Soleil des Princes & Seigneurs de vostre Cour, a faict esclore à la France vne iournee com. blee de liesse à iamais, & l'esclat de vostrenom s'escartant au long & au large, a serené ces nuages remplis d'hor-reur & de crainte. Mars estautheur de la force guerriere & de la valeur, & vous d'vne magnanimité Martiale appaisez les troubles qui sourdet dedans & dehors vostre estat, & arrestez les efforts de la guerre, de sorte que non seulement la France, mais quasi toute l'Europe iouyst par vostre moyen d'v. ne douce paix. Iupiter Planete extremement benefique influë la iustice, lequité & la clemence; vous ne regardez aussi que la droite raison guide des vertus, & maistresse de nos affections. Ainsi le droit à le dessus de l'injure, & vostre clemence est esgallement admiree des petits & des grands. Ainsi vous auez mis souz le joug les passions de l'ame, lesquelles quasi seules la nature a fait libres. Saturne depart la solidué de l'entendement & la maturité du juge-

B

ment, duquel apres auoir eschappé toute la malignité de son influence, vous auez recueilly ceste faueur, vn entendement capable de si grande charge, qui veritablement fait renaistre le regne de Saturne le siecle doré. Ainsi disoitvn ancien, quelesagese forge sa fortune. Vos perfections ne sont pas reduites au nombre septenaire des Planetes, mais ainsi qu'on void briller vne armee infinie d'estoilles fixes dans le Ciel, ainsi vous esclatez embellie de toutes sortes de graces de l'esprit & du corps, & de la vient que chacun vous admire comme vn miracle de nature, n'ayat riende commun, ains tout par dessus les autres. Mais qui me fait effleurer d'vy stile mal poly les louanges d'vne si haute Majeste, lesquelles vnesprit beaucop plus releué, & vne eloquence plus parfaicte ne sçauroient es galer. Aux choses grandes la volonté luffist. Le monde mesmes vniuersel depuis la supreme Hierarchies des Anges iusques aux plus basses creatures de la terre chantent des Hymnes agreables à Dieu. Nonseulement les oyseaux par leur melodieux ramage, mais aussi les

cigalles font retentir les bois du son de fa gloire. Mon cœur bruflant d'afection force ma langue grossiere de se ierrer en vos louages, & à la verité pendant quelles sont en la bouche de tous le silence se roit mal seant à celuy qui est infiniëment obligé à vostre Sou-ueraine bonté. Vous m'auez appellé d'Italie d'vne main liberalle pour me commettre vne tres grande charge, la conduite de vostre santé & de vostre vie, la conferuation & prolongation de laquelle comme tres necessaire est passionnement desirce non seulement de la valeureuse France, mais de toute l'Europe. Aussi estes vous cet esprit vital, qui vnist enséble tant de Royaumes, comme les membres d'vn seul corps par le lien de la paix. Voyla comme vous auez chargé le Ciel sur mes espaules, ainsi que d'vn second Atlas. Maintenant, Madame, iouyssant par vostre moven d'vn heureux reposi'ay donné le commencement à la pollissure & auancement de mes escrits. Aussi ay-je resolu quece liure qui en fait part, portera sur le front la gloire de vostre nom, pour marque d'vn esprit sensible de ce bien, afin que le profit que l'espere arriuer à la posterire par la lecture de mon liure vous soit attribué, & que l'authorité de vostre Majeste es-panduë par tout l'assiste & le defende des envieuses morsures de la calomnie. Receuez donc, Madame, ce petit present du mesme vilage, duquel vous honorez les grands dons, que faites à chacun. La Majesté diuine ne refusoit point d'vne pauure main pour plus riches victimes vne couple de Pigeons ou de Tourterelles, estimant plus l'intention de celuy qui offroit, que le prix de l'offrande. Ne dedaignez donc point Royne tres-Auguste, les petis bessons de moname. l'entendement & la volonté consacrez à vostre Majesté. Si vous fauorisez mes vœux,ie mettray en lumiere, auec l'ayde de Dieu, divers œuvres tant de Medecine qu'autres sciences, pour profiter au public, & cepedat vne logue vie vne felicité sans fin, vne gloir e immortelle, sera souhaittee à vostre Majesté, par

MADAME,

Vostre tres-humble & tres-obeyssant serniseur P. ELIAN DE MONTALTO.

3 95 02/2











